

CHATSCHA JAURA

Infuormaziuns

Lessat Vus imprender a cugnuscher la val d'ün'otra vart? Lura it in tschercha da dürabilità ed energia in Val Müstair. A man d'indicaziuns spinusas, comunicaziuns secretas e schogliond lezchas eschat Vus sül güst fastizi. Adattà per famiglias, amis, firmas, societats, scoulas eui.

Dürada: Per l'intera chatscha da la vuolp dovrais Vus tanter 2.5–3 uras, tuot seguond, quant svelt cha Vus eschat in viadi.

Partenza e böt: La chatscha da la vuolp cumainza a Müstair pro la clostra San Jon e va fin a Sta. Maria. Dal böt a Sta. Maria as poja rivar per exaimpel cun l'auto da posta darcheu a la partenza. O lura as tuorna a pè fin a Müstair (dürada via directa ca. 1h15).

Gruppas: La chatscha da la vuolp „Chatscha jaura“ as faja il meglder in gruppas pitschnas fin max. 6 persunas. Plüssas gruppas stuvessan partir üna davo l'otra cun üna distanza temporala da ca. 15 minuts.

Lingua: Rumantsch e tudais-ch. Las linguas frances e talian sun disponiblas cun agüd dal Code QR (QR-Code-Reader - racumandaziun: NeoReader)

Documainta: In quist documaint chattais Vus ils tips regard il traget. Indicaziuns supplementaras chattais Vus d'ürant la chatscha da la vuolp. Ulteriuras infuormaziuns: Biosfera Val Müstair, Tel. 081 850 09 09 (lù. – ve. 09:00 - 12:00u e 14:00 - 17:00u)

In special: Ün'annunzcha nun es necessaria, la spüerta es gratuita e po gnir scuverta our d'aigna iniziativa.

Tips per la tschercha dals indizis – Sü a la chatscha da la vuolp!

Ün cordial bainvgnü a la Chatscha jaura. Chi chi legia cun atenziun las infuormaziuns in quist documaint e cumbina inandret las indicaziuns sün las tablas, accumulscha la chatscha da la vuolp cun bravüra. Nus As giavüschain bun success ed invistas fascinantas, co cha dürabilità vain vivüda in Val Müstair!

Post 1 Cun ir, l'Italia davo la rain, speravia a l'areal da la clostra profitai da l'ocasiun e dat ün sguard lasura. It inavant e tscherchai la prüma tabla d'indicaziun a dretta dals s-chalins, visavi a l'istoric hotel «Chalavaina».

Post 2 In nossas butias da cumün chattais s bleras delicatessas localas. Uschè eir üna paletta intera da prodots da lat our da la Chascharia Val Müstair, nossa chascharia biologica. Segui la Via Imperiala canderaint ed inavant gualiv oura fin pro'l "Super-marchà", là gnis Vus a savair daplü.

- Post 3** It uossa in direcziun da la piazza dal camping. Dudis fingià a sbuorflar il Rom? Na? Lura it amo plü daspera al flüm. Tscherchai pro'l banc pro la bifurcaziun la prossma indicaziun.
- Post 4** Tscherchai la chadaina e decifrai il text zoppà.
- Post 5/6** Restai adüna da la listessa vart dal flüm, nu traversarai il Rom. Pro ün muossavia chattais Vus il prossem punct d'indicaziun. Vus pudais tour qua la via sura (sainza barriera/signalisaziun via da velos) o tour la via suot lung il Rom, quista via maina in üna cuntrada idillica directamaing lung il Rom (signalisaziun senda). Pro la chasa chi schuschura sco l'aua dal Rom, As spettan güst duos tablas d'indicaziun.
- Post 7** Davo cha Vus vais let tuottas duos tablas d'indicaziun, it insü fin pro'l signal 28 t e guardai inavo. Lura vezzais Vus l'implant fotovoltaic sül tet! Uossa pudais cumanzar ad ir sü pel chant. Cur cha Vus rivais pro la prüma bifurcaziun as muossa la frizza verda pro'l muossavia la direcziun. Pro'l banc pro la seguonda bifurcaziun vais merità üna posa! Culla clav chattais la via.
- Post 8** Fat atenziun a la tabla naira ed alba da la vart dretta da la via. Qua vegnan amo fattas lavuors artischanas tradiziunalas.
- Post 9** Vezzais Vus da la vart schnestra davant il museum üna sculptura davart la prüma guerra mundiala? Lura eschat Vus sül güst fastizi. It a dretta sün la via salaschada e segui la via chi maina aval. Davo dus bügls, fat atenziun d'üna chasa gelgua a man schvester, passai sper la porta via e guardai intuorn la chantunada. La tabla d'indicaziun stuvais Vus tscherchar là.
- Post 10** Tgnai avert ils ögls, specialmaing quel dret!
- Post 11** Visavi al totem as rechatta la via cha Vus stuvais seguir. Dasper Vus cuorra la Muranzina e quist es eir l'ultima muntada cha Vus stuvais superar. Rivats süsom As maina il passagi zoppà pro la via principala. Traversai là a dretta la Muranzina e giai insü in direcziun dal clucher. Pro'l Volg vaja inavant a dretta sü. Sperain cha Vus nu vais commiss ingün delict, Vus stuvais nempe ir pro la polizia.
- Bravo!** Il code numeric pro quist post es sgnür gnü mol... Cun indicaziun da quist code pudais Vus lura, scha Vus vulais, far üna posa i'l caffè da MeierBeck e giodair üna bavronda gratuita. Ed in quist lö üna cordiala gratulaziun, Vus vais accumpli Vossa lezcha ed absolt la Chatscha jaura cun success e sperain surgni novas invistas illa Val Müstair. Nus As giavüschain ün bun retuorn a chasa e'ns allegrain da reacziuns ed animaziuns: info@biosfera.ch

In collavuraziun cun: Cumün da Val Müstair, Cità d'energia Val Müstair, pem Val Müstair